

«La vegliadetgna è noss avegnir

La Pro Senectute grischuna cun novas structuradas

■ (anr) **Benno Burtscher è il nov president da la Pro Senectute dal Grischun. Er las structuradas juridicas vegnan midadas.** La spierta da la Pro Senectute (PS) grischuna è multifaria. La cussegliaziun sociala gida tar conflicts e crisas, sch'intgin ha fadia cun l'alloschi e tar malatia ed impediment. En tsherts dà la PS er contribuziuns finanzialas. Igl exista in servetsch da pasts ed in post d'emprest da meds d'agid. Per confamigliars tgi tgeran glied veglia han ins gruppas da discussiun. En var 120 vischnancas datti gruppas da sport e ils curs da lingua, da computer e da lavurs creativas èn in'ulteriura spierta da la PS. Profitar da sias prestaziuns pon dunnas ed umens pli vegls e lur confamigliars, ma er vischnancas ed organisaziuns.

Il president partent da la Pro Senectute, cusseglier guvernativ Claudio Lardi (sen.) ha surdà vegls protocols al nov president Benno Burtscher en presenza da la mainafatschenta Flavia Kipler.

FOTO P. DE JONG



Midament dal presidi

En il d'atun dal comitè chantunal da la PS ha surpiglià il deputà Benno Burtscher da cusseglier guvernativ Claudio Lardi il presidi. Ch'el haja pudì surpigliar in'organisaziun che funcziuna bain, saja manada da maniera professiunala e lavura effizientamain, ha ditg ier il nov president als meds da massa. «Perquai vi jau ma dar fadia da porscher cun la PS Grischun er en avegnir servetschs da auta qualità per la glied veglia en noss chantun», ha affirmà Benno Burtscher.

Nova personalitad giuridica

Quest onn festagescha la PS dal Grischun ses 80avel anniversari. Vegnida fundada era l'organisaziun dal 1919 sco in'ovra d'agid. En ils ultims onns è dvantada la PS però adina ferm era in'impresa da servetschs. Ella na porscha

mo agid a la glied pli veglia, en ils secturs da sport e da furmazium agescha ella er da maniera preventiva. Pervi da quest midament era uss necessari da midar las structuradas da l'organisaziun. La fundaziun cun num «Pro Senectute Grischun - per la vegliadetgna» è l'organisaziun da successiun dal comitè chantunal da la PS Svizra. La fundaziun ha surpiglià tut ils dretgs e las obligaziuns dal comitè chantunal. La finamira è da mantegnair il bainesser da la glied vegli en Grischun. Sper il biro central a Cuira ha ella er posts regiunals e represchantanzas en las vischnancas.

Mutaziuns tar il cussegl da fundaziun

Als 19 da mai 1999 ha gi lieu l'emprima sesida dal cussegl da fundaziun. En quell'ocasiun è vegnì acceptà unani-

main il quint e'l rapport annual, ma er il reglament da fundaziun tgi fixescha l'urden da fatschenta. Sco successura da Walburga Schnyder-Etlin è vegnida elegida Irene Hess-Lanfranchi. Nova commembra dal cussegl da fundaziun è la deputada Margrith Casparis. La manadra dal biro central a Cuira è Flavia Kipler da Turitg e per il secretariat è respunsabla Laura Bottoni. En tut lavuran 17 collavuraturas tar la PS Grischun.

Onn internaziunal dals umans pli vegls

Sut il motto «tut las generaziuns - ina societad» ha declerà l'ONU l'onn 1999 sco onn internaziunal dals umans pli vegls. Er la PS grischuna vul cuntribuir sia part per quest onn. Sco emprima occurrenza ha gi lieu en marz en il Titt-

hof a Cuira ina parada da moda cun vestgadira veglia e nova. Sper divers projects han ins organisà ina concorrenza da biografias, a las qualas pon sa participar persunas sur 60 onns. En november vegnan quellas alura premia-das.

Sco che cussegliera federala Ruth Dreifuss scriva en il magazin per l'onn internaziunal da la glied pli veglia «è la vegliadetgna noss avegnir». Ch'els na sajan nagina chargia per nosa societad. Anzi, ch'els sajan in inritgiment irrenunziabel per ella, è l'opiniun dal nov president Benno Burtscher. «L'integraziun da nosa populaziun pli veglia en la societad ans stat perquai ferm a cor. Cun differentas contribuziuns e mesiras vulain nus promover tala integraziun.»